

---

Ободонлаштириш ойлиги доирасидаги тадбирлар жойларда қизғин давом этмоқда

Жорий йилнинг 30 июлидан 30 августига қадар мамлакатимизда “Ободонлаштириш ойлиги” ўтказилмоқда.

Давлатимиз мустақиллигининг 32 йиллигини кенг нишонлашга пухта тайёргарлик кўриш, ҳудудларда ободлик ва кўкаламзорлаштириш ишлари кўламини янада кенгайтириш мақсадида Ўзбекистон туманидаги барча маҳаллаларда ҳам ободонлаштириш ишлари қизғин давом этмоқда.

Эътиборлиси, кенг кўламли ободонлаштириш ва кўкаламзорлаштириш ишларида аҳоли вакиллари ҳам фаол иштирок этишмоқда. Шунингдек, ҳашар ишлари ободонлаштириш бошқармаси ва бошқа коммунал идоралар ходимлари томонидан ҳам ташкилланмоқда.

Уюшқоқликда давом этаётган ҳашарларда маҳаллалар, аҳоли турар жойлари, гузарлар, хиёбонлар, зиёратгоҳлар, қабристонлар, болалар майдончалари, пиёдалар йўлакчалари тартибга келтирилмоқда. Шунингдек муҳандислик-коммуникация тармоқлари, жумладан йўллар ва кўприкларни таъмирлаш каби қатор ишлар бажариляпти. Ободлик тадбирларига зарурий техникалар жалб этилган.

Ҳар бир хонадон томорқалари, ижтимоий ҳимояга муҳтож аҳоли қатламлари, эҳтиёжманд, боқувчисини йўқотган кекса ва ногиронлиги бўлган фуқароларнинг уй-жойларини таъмирлаш ва моддий ёрдам кўрсатишга ҳам алоҳида эътибор қаратилмоқда.

2023-08-05 11:21:57